

---

BIBLIOTECA NACIONAL ARUBA

---

Barica Geel (Suikerdiefje)

“Ladron di Sucu”



*CONTENIDO*

Barica Geel (Suikerdiefje).....

Manera di broei.....

Area/lugar di biba.....

Cuminda.....

Comportacion.....

Literatura.....

## Barica Geel (Suikerdiefje) “Ladron di sucu”

Barica Geel ta un parhanan cu ta wak hopi y masha conoci riba e islanan di Antia y Aruba. Bo ta haya nan tambe den tropico di Sur y America Central. Na Aruba e parhanan aki ta birando scars. Probablemente door cu e hobennan ta kibra nan neshi. Esun cu ta broei na Aruba ta e Barica geel of Suikerdiefje (ladron di sucu). E ta un parha chikito cu un color geel na su barica, e wowonan cu strepi blanco cu ta hala atencion, garganta preto of shinishi (na e otro islanan), riba su lomba ta color preto, su pik ta preto largo y bira, den skina di e boca ta cora. E rabo preto y na final tin un color manera un banchi blanco. E pianan tambe ta preto.

Barica Geel ta un parha protegi pa ley.

<b>Parha</b>	Barica Geel
<b>Nomber latijns</b>	Coereba flaveola
<b>largura</b>	7.5 cm-12.5 cm
<b>Peso</b>	5.5.-19 gram
<b>Color</b>	Su barica ta geel y riba su lomba ta preto



*Barica Geel(cu ta broei na Aruba) para riba taki di mata*

### **Manera di Broei**

Barica Geel ta broei durante henter aña, unda un neshi despues di otro ta wordo traha. Generalmente e ta pone mas tanto tres(3) webo den cada neishi cu ta wordo solamente gebroei door di e parha muhe.



**Neishi di Barica Geel**

### **Area/lugar di biba**

Barica Geel bo ta haya nan den hofi, cura di cas, den parke y mondi. Barica geel ta adapta su mes den area(den cura y hofi) unda hende ta biba. E por bira manso si e custumbra cu hende. Barica Geel frecuentemente ta haci pochi sucu bashi cu nan haya riba mesa.



## Cuminda

Su cuminda ta nectar for di flor y tin biaha insecto chikito y fruta dushi. E ta tuma nectar di flor como prome fuente di cuminda aunke ta uza nan pik skerpi pa bora e flor na banda mescos cu un blenchi pero no por flota (zweef) manera un blenchi. Pesey e parha ora di come hopi biaha mester colga 'cabe abou' na un rama enbes ta para stret. Ademas di e nectar di flor e ta come hopi otro cos tambe manera fruta, insecto y bacoba. Tambe e por gara insecto chikito for di blachi mata y come musca, bij y fruminga.



E ladron di sucu ta un parha hopi chikito. Pa e por chupa e stropi for di e flor e ta bora un buraco den e flor. Esaki e Barica Geel ta haci sin cu e flor ta wordo bestuif. Si nos wak e flornan bou un lup cada biaha nos ta wak un buraco den e corona di e blachinan. Esey ta un ladron di sucu (Barica Geel) a haci of un blenchi. Di e manera ey e ta coy e stropi for di e flor sin bestuif e. Esaki no ta segun e regla di naturalesa y ta pesey e parha ta wordo yama ladron di sucu. E ta horta e stropi sin haci nada pa haye. Pero gewoon sucu tambe e ta horta. Na Antia esaki ta un custumber bieu di e parha aki.

Sin cu bo mester wak e Barica geel cada biaha bo ta scucha su cancion halto y dushi for di e top di un taki of mata. Ora cu bo por imita e zonido aki bo por haci cu e parha ta bin cerca di bo. E parha ta purba asina di busca e intruso di su teritorio pa core cune. Nan ta haci un zonido hopi halto cu apenas bo por grabe.



### Comportacion

Barica geel ta un parha lihe y nervioso. E no ta un animal colonial. E tin tendencia di ta so. No ta parce di ta reclama teritorio. E macho ta cana rond di e parha muhe sin pa un gran parti ataca e otro parha homber. Den e area cu mas e ta frecuente e por bira hopi manso rond di hende unda nan habita. Tanto e barica geel homber como e muhe ta traha nan mes un neishi di un forma bol cu blachi, yerba, pida resto chikito di mata. E neishi tin un entrada poco di schuin no mucho hancho y cubri cu materialnan chikito manera; papel, hilo, pluma, neishi haraña etc.,etc .

Trahamento di neishi ta henter aña unda cada sexo ta defende un area chikito rond di su mes un neishi caminda nan ta descansa. Durante di e criamento di e yiunan e macho ta pasa su tempo ta canta rond di su mes un neishi y di e area di e neshi di parha muhe pa atrae su pareha. Tin indicacion cu e parhanan cu ta broei ora di namora otro mayoria biaha ta para dilanti otro, ta sak, draai cabes, coba/rasca y bula den cierto direccion.





## ***Literatura***

- Parke Nacional Arikok : [http://www.arubanationalpark.org/main/wp-content/files/pdf/fauna/barica\\_gel.pdf](http://www.arubanationalpark.org/main/wp-content/files/pdf/fauna/barica_gel.pdf)
- Arubiana/Caribiana y Biblioteca Nacional Aruba: Fauna De vogels van Nederlandse Antillen Dr. P. Wagenaar Hummelinck Martinus NijHoff, 's Gravenhage
- <http://www.surinamebirds.nl/php/bird.php?cofl>
- [https://animaldiversity.org/accounts/Coereba\\_flaveola/](https://animaldiversity.org/accounts/Coereba_flaveola/)